

«Վավերացնում են»

Հայաստանի Հանրապետության
Նախագահ Ռ. Քոչարյան
21 դեկտեմբերի 2006 թ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

23 նոյեմբերի 2006 թվականի N 1792-Ն

3 ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2004 ԹՎԱԿԱՆԻ ԴԵԿՏԵՄԲԵՐԻ 23-Ի N 1925-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ

Հայաստանի Հանրապետության կառավարությունը որոշում է.

1. Հայաստանի Հանրապետության կառավարության 2004 թվականի դեկտեմբերի 23-ի «Էլեկտրամագնիսական համատեղելիության վերաբերյալ տեխնիկական կանոնակարգը հաստատելու մասին» N 1925-Ն որոշման մեջ կատարել հետևյալ փոփոխությունները և լրացումները՝

1) որոշման նախաբանից հանել «(էլեկտրական էներգիայի որակի ապահովում)» բառերը.

2) որոշման 2-րդ կետից հանել «բացառությամբ սույն որոշման 1-ին կետով հաստատված տեխնիկական կանոնակարգի ընդհանուր նշանակության էլեկտրական ցանցերում էլեկտրական էներգիայի որակին վերաբերող դրույթների, որոնք ուժի մեջ են մտնում սույն որոշումն ուժի մեջ մտնելու օրվանից 2 տարի հետո» բառերը.

3) որոշման հավելվածի՝

ա) 1-ին, 2-րդ և 3-րդ կետերը շարադրել հետևյալ խմբագրությամբ.

«1. Էլեկտրամագնիսական համատեղելիության վերաբերյալ տեխնիկական կանոնակարգի (այսուհետ՝ տեխնիկական կանոնակարգ) գործողությունը տարածվում է այն տեխնիկական միջոցների վրա, որոնք նախատեսված են շրջանառության մեջ դնելու համար և կարող են առաջացնել էլեկտրամագնիսական խանգարումներ, որոնց գործառությունը կարող է զգայուն լինել արտաքին էլեկտրամագնիսական խանգարումների նկատմամբ:

2. Սույն տեխնիկական կանոնակարգով սահմանվում են էլեկտրամագնիսական խանգարումների զաղեցության հետևանքով տեխնիկական միջոցների խափանման պատճառով մարդու կյանքին և առողջությանը, ֆիզիկական և իրավաբանական անձանց ու պետական գույքին և շրջակա միջավայրին վնաս պատճառելը կանխարգելելու հետ կապված տեխնիկական միջոցների էլեկտրամագնիսական համատեղելիությանը ներկայացվող պահանջները:

3. Սույն տեխնիկական կանոնակարգի գործողությունը չի տարածվում հետևյալ տեխնիկական միջոցների վրա՝

ա) էլեկտրամագնիսականության նկատմամբ պասսիվ տեխնիկական միջոցների,

բ) օդազնացական տեխնիկայի,

գ) ռազմական նշանակության տեխնիկական միջոցների, ինչպես նաև այն տեխնիկական միջոցների, որոնց մասին տեղեկությունը հանդիսանում է պետական գաղտնիք

բացառությամբ Հայաստանի Հանրապետության կառավարության 2005 թվականի հունվարի 20-ի N 120-Ն որոշմամբ² սահմանված ժողովրդատնտեսական նշանակության և ռազմական արդյունաբերության միասնական պահանջներով տեխնիկական միջոցների վրա, որոնք նախատեսված են ինչպես ընդհանուր արդյունաբերական, այնպես էլ ռազմական նշանակության տեխնիկական միջոցներ կիրառելու համար,

դ) ռադիոսարքերի, որոնք օգտագործվում են ռադիոսիրողների կողմից համաձայն էլեկտրակապի միջազգային միության ռադիոկապի կանոնակարգում տրված սահմանման, այն պայմանով, որ այդ ռադիոսարքերը նախատեսված չեն շրջանառության մեջ դնելու համար »,

բ) 4-րդ կետի երկրորդ պարբերության մեջ «Հեռահաղորդակցության մասին» բառերը փոխարինել «էլեկտրոնային հաղորդակցության մասին» բառերով,

զ) 5-րդ կետն ուժը կորցրած ճանաչել,

դ) 6-րդ կետի

«տեխնիկական միջոցի գործառնական որակ», «էլեկտրամագնիսական պայմաններ», «էլեկտրամագնիսական խանգարումների չափման միջոց» հասկացություններն իրենց սահմանումներով ուժը կորցրած ճանաչել,

«էլեկտրամագնիսական համատեղելիության ստանդարտ» հասկացության սահմանումից հանել «(էլեկտրական էներգիայի որակի ապահովում)» բառերը,

ե) 8-րդ կետը լրացնել հետևյալ բովանդակությամբ նոր պարբերությամբ

«էլեկտրամագնիսական խանգարումների նկատմամբ կայունության պահանջները չեն տարածվում կենցաղային սարքերի վրա, բացառությամբ ռադիոէլեկտրոնային արտադրանքների և ռադիոէլեկտրոնային արտադրանք պարունակող տեխնիկական միջոցների.»

զ) 10-րդ կետի երկրորդ պարբերությունից հանել «(էլեկտրական էներգիայի որակը)» բառերը,

է) 11-րդ կետը լրացնել հետևյալ բովանդակությամբ նոր պարբերությամբ

«Տեխնիկական միջոցներ արտադրողը, վաճառողը կամ նրա լիազոր ներկայացուցիչը պետք է օգտագործողներին տրամադրեն սույն տեխնիկական կանոնակարգի պահանջներին տեխնիկական միջոցի համապատասխանությունն ապացուցող փաստաթղթեր (սույն տեխնիկական կանոնակարգի VII բաժնում տրված տվյալ տեխնիկական միջոցի վրա տարածվող էլեկտրամագնիսական համատեղելիության ստանդարտների համապատասխանության մասին տեղեկություններ, փորձարկման արձանագրություններ) Տեխնիկական միջոցներ օգտագործողները պարտավոր են պահել իրենց տրամադրված փաստաթղթերը տեխնիկական միջոցի շահագործման ընթացքում՝ անհրաժեշտության դեպքում պետական վերահսկողությունն իրականացնող մարմին ներկայացնելու համար »

ը) IV բաժինն ուժը կորցրած ճանաչել,

թ) 21-րդ կետը շարադրել հետևյալ խմբագրությամբ

«21 Սույն տեխնիկական կանոնակարգի պահանջներին տեխնիկական միջոցների համապատասխանության պետական վերահսկողությունը պետք է իրականացվի օրենքով սահմանված կարգով »,

ժ) VII բաժնի տեխնիկական կանոնակարգով սահմանված պահանջների կատարումն ապահովող ստանդարտների ցանկում

հանել «ԳՕՍ Ռ 51318 14 1» ստանդարտի նշագրով տողը,

«ԳՕՍ 30805 14 1-2003 (ՍԻՍՊՌ 14-1)» ստանդարտի նշագիրը փոխարինել

«ԳՕՍ 30805 14 1 (ՍԻՍՊՌ 14-1)» ստանդարտի նշագրով,

լրացնել հետևյալ նոր տողերով՝

« ԳՕՍՏ 26169	Համատեղելիություն ռադիոէլեկտրոնային միջոցների էլեկտրամագնիսական երկբևեռ հզոր բարձր հաճախականության գծային տրանզիստորների համակցման բաղադրիչների գործակիցների նորմեր
ԳՕՍՏ Ռ 51855	Համատեղելիություն տեխնիկական միջոցների էլեկտրամագնիսական. Ռադիոկապի միջոցներ անձնական օգտագործման 26965-ից մինչև 27860 կՂց հաճախականությունների շերտում անկյունային մոդուլումով աշխատող. Պահանջներ և փորձարկման մեթոդներ
ԳՕՍՏ Ռ 51856	Համատեղելիություն տեխնիկական միջոցների էլեկտրամագնիսական. Ռադիոկապի միջոցներ փոքր շառավղով 3 կՂց-ից մինչև 400 ՊՂց հաճախականություններում աշխատող. Պահանջներ և փորձարկման մեթոդներ

»:

2. Սույն որոշումն ուժի մեջ է մտնում պաշտոնական հրապարակման օրվանից 6 ամիս հետո:

**Հայաստանի Հանրապետության
վարչապետ**

Ա. Մարգարյան

2006 թ. դեկտեմբերի 16
Երևան